



Broj: 11-05-04-38989-185/21

Sarajevo, 17.01.2022.g.

STRUČNA SLUŽBA VLADE KANTONA SARAJEVO

PREDMET: Odgovor na zastupničko pitanje

Veza: Vaš akt broj 15-04-38989-51/21

(ZASTUPNIČKA PITANJA I INICIJATIVE 43. SJEDNICA SKS 01-04-38989-32/21)

Poštovani,

Slijede odgovori na zastupničko pitanje zastupnice Smiljane Viteškić:

1. Na osnovu kojih kriterija su izabrani recenzenti i koji broj recenzenata je angažovan?

Recenzenti dokumenta Kurikuluma Kantona Sarajevo su odabrani po Javnom pozivu objavljenom dana 29. 6. 2021. godine i ponovljenom Javnom pozivu, objavljenom dana 9. 7. 2021. godine na stranici Ministarstva za odgoj i obrazovanje Kantona Sarajevo i na stranici <http://kurikulum.ks.gov.ba/> u kojem se navode dokumenti predmeta kurikuluma i kriteriji za odabir recenzenata. Navedeno je šest kriterija od kojih odabrani kandidat treba da zadovoljava najmanje četiri. Nakon završetka konkursa Rješenjem br. 11-05/02-26600/21 od 2. 7. 2021. godine formirana je Komisija koja je pristupila odabiru recenzenata dokumenata Kurikuluma KS prema zadatim kriterijima po prvom i drugom Javnom pozivu. Komisija je u svom radu pregledala ukupno 44+1 aplikaciju i izvršila odabir 33 recenzenta dokumenata Kurikuluma Kantona Sarajevo za 21 nacrt predmetnog kurikuluma i za kurikuluma za predškolski odgoj i obrazovanje.

Svi prijavljeni aplikanti su dobili pisanu povratnu informaciju o rezultatima Javnog poziva.

2. Da se dostave zapisnici komisije koja je imenovala recenzente i po kojim kriterijima.

Zapisnici su u Prilogu, a kriteriji za odabir recenzenata dokumenata Kurikuluma Kantona Sarajevo su navedeni u Javnom pozivu objavljenom dana 29. 6. 2021. godine i ponovljenom Javnom pozivu objavljenom dana 9. 7. 2021. godine na stranici Ministarstva za odgoj i obrazovanje Kantona Sarajevo kao i na online platformi <http://kurikulum.ks.gov.ba/>.



3. Veći broj kandidata koji su se prijavili nisu primljeni, oni bi se žalili ali ne znaju kome.


Svi kandidati su bili u prilici da komuniciraju putem maila kurikulum@mon.ks.gov.ba na kojeg su poslali svoje aplikacije / prijave. Svi oni koji su imali dodatna pitanja i potrebu za pojašnjenjem su pisali na isti i dobili su traženi odgovor. Na isti mail su i kandidati koji nisu bili zadovoljni rezultatom konkursa tražili pisano obrazloženje, isto dobili i uredno se zahvalili, čak iskazali svoje zadovoljstvo ovakvom procedurom i stavili se na raspolaganje za budući angažman, saradnju ili konsultantske poslove.

4. Ima li Ministarstvo za odgoj i obrazovanje Kantona Sarajevo obrazloženje zašto je angažovao recenzente, na iste trošio novac kada su kurikulum radili eksperti.

Poštovana, dokumente Kurikuluma Kantona Sarajevo su radili nastavnici/nastavnice razredne i predmetne nastave, profesori/profesorce srednjih škola kao i profesori/profesorce sa fakulteta imenovani u radne grupe, dakle niko od njih nije imenovan ekspertom certifikatom niti inicijalnim obrazovanjem, niti nosi titulu eksperta kao drugog oblika zvanja. Dokumenti su rađeni na osnovu priznate UNESCO-ove metodologije okvira za kvalitetan kurikulum prilagođen prostorima BiH od strane OSCE-a po čijoj metodologiji se rade kurikulumi u Zapadnohercegovačkoj županiji, Zeničko-dobojskom kantonu, u Posavskom kantonu, a rađeni su i Sarajevskom kantonu.

Po definiciji recenzent (lat.), pisac recenzije, ocjenjivač je kritičar nekog djela koji iznosi mišljenje u obliku pisanoga teksta prije ili poslije objavljivanja djela (knjige, naučne studije itd.). U skladu sa tim, dokumenti Kurikuluma Kantona Sarajevo, kao prvi takvi pisani na našim prostorima su morali proći stručnu ocjenu lica iz struke prvenstveno u vezi sa elementima nastavnog predmeta i ocjenom da li su svi pojmovi, procesi, definicije, opisi i dr. pisani naučnim jezikom na naučnim činjenicama i korištenjem naučne i stručne terminologija ali ujedno pisano razumljivo čitaocu, a s druge strane, da li su ishodi pisani na način da prate razvojnost, da li su kumulativni iskazi koji su provjerljivi i primjenljivi.

S poštovanjem,



Prilog:

- Zapisnici sa sastanaka Komisije za izbor recenzenata (3x)

Dostaviti:

- Naslovu
- a/a



Izvještaj sa prvog (I) sastanka Komisije za izbor recenzenata dokumenata Kurikuluma Kantona Sarajevo

Prvi (I) sastanak Komisije za izbor recenzenata dokumenata Kurikuluma Kantona održan je u petak, 02. 7. 2021.godine sa početkom u 12:00 h u prostorijama Ministarstva za odgoj i obrazovanje Kantona Sarajevo.

Sastanku su prisustvovali: Azra Nizić, Žaneta Džumhur i Ezudin Kurtović.

Sjednicom je rukovodila Azra Nizić, predsjednik komisije koja je ujedno i zapisničar.

Dnevni red:

1. Poslovnik o radu
2. Kriteriji za izbor recenzenara dokumenata Kurikuluma Kantona Sarajevo
3. Sadržaj i način obavještanja odabranih kandidata i onih koji ne zadovoljavaju uslove/kriterije
4. Tekuća pitanja

Zaključci:

Ad1)

U uvodnom dijelu sastanka predsjednica Komisije, Azra Nizić, je prisutne upoznala sa dnevnim redom, predložila Poslovnik o radu i dala na usvajanje.

Poslovnik o radu je jednoglasno usvojen.

Ad2)

Nakon uvodne riječi za tačku 2. Dnevnog reda i čitanja teksta Javnog poziva za recenzente dokumenata Kurikuluma Kantona Sarajevo uslijedila je kratka diskusija u kojoj su učestvovali svi članovi Komisije i složili se da prijavljeni kandidati, kao i što je navedeno u Javnom pozivu, moraju ispunjavati minimum od četiri kriterija te da je ključno da su do sada imali iskustvo na izradi dokumenata definisanih na ishodima učenja.

A3)

Budući da je u Javnom pozivu navedeno da se kandidati prijavljuju putem e-mail adrese kurikulum@mon.ks.gov.ba dogovoreno je da se putem iste adrese kandidati obavijeste o imenovanju ili ne. Tekst će prirediti Azra Nizić zajedno sa Žanetom Džumhur i prezentovati na narednom sastanku Komisije.

A4)

Nije bilo prijedloga za razmatranje pod tačkom Tekuća pitanja.

Prvi sastanak Komisije je završen u 13:00h

Termin narednog sastanka će biti naknadno utvrđen.

Zapisničar Azra Nizić

Sarajevo 02. 7. 2021. godine

**Izveštaj sa drugog (II) sastanka Komisije za izbor recenzenata dokumenata
Kurikuluma Kantona Sarajevo**

Drugi (II) sastanak Komisije za izbor recenzenata dokumenata Kurikuluma Kantona održan je u četvrtak, 08. 7. 2021.godine sa početkom u 12:00 h u prostorijama Ministarstva za odgoj i obrazovanje Kantona Sarajevo.

Sastanku su prisustvovali: Azra Nizić, Žaneta Džumhur i Ezudin Kurtović.

Sjednicom je rukovodila Azra Nizić, predsjednik komisije koja je ujedno i zapisničar.

Dnevni red:

1. Pregled pristiglih prijava na Javni poziv za izbor recenzenata Kurikuluma Kantona Sarajevo
2. Obabir recenzenata dokumenata Kurikuluma Kantona Sarajevo
3. Obavještanje odabranih kandidata i onih koji ne zadovoljavaju uslove/kriterije
4. Tekuća pitanja

Zaključci:

Ad1)

Pregledom pristiglih prijava na e-mail adresi kurikulum@mon.ks.gov.ba konstatovano je da se prijavilo ukupno 30 kandidata koji su poslali tražene reference i iskazali interesovanje.

Ad2)

Detaljnim pregledom zaprimljenih prijava konstatovano je da od 30 zaprimljenih prijava devet kandidata ne ispunjavaju uslove a da 21 kandidat ispunjava uslove te da ima prijavljenih kandidata za više od jednog dokumenta kurikuluma (tabela 1. u prilogu). Komisija je dala i prijedlog naknade za rad recenzenata.

A3)

Predsjednica je predstavila sadržaj teksta za informisanje odabranih kandidata (u prilogu Tekst) a članovi Komisije nisu imali primjedbi. Dogovoreno je da se kandidati odmah obavijeste kako bi na vrijeme ispoštovali sve zadate rokove.

A4)

Pod tačkom Tekuća pitanja dat je prijedlog da se raspiše ponovni Javni poziv za prijavu recenzenata za one dokumente Kurikuluma Kantona Sarajevo za koje nismo imali dovoljan broj prijavljenih po prvom pozivu.

Drugi sastanak Komisije je završen u 16:00 h.

Termin narednog sastanka će biti naknadno utvrđen.

Zapisničar Azra Nizić

Sarajevo 08. 7. 2021. godine

Izvještaj o radu Komisije za izbor recenzenata dokumenata Kurikuluma Kantona Sarajevo

Treći (III) sastanak Komisije za izbor recenzenata dokumenata Kurikuluma Kantona održan je u četvrtak, 15. 7. 2021.godine sa početkom u 12:00 h u prostorijama Ministarstva za odgoj i obrazovanje Kantona Sarajevo.

Sastanku su prisustvovali: Azra Nizić, Žaneta Džumhur i Ezudin Kurtović.

Sjednicom je rukovodila Azra Nizić, predsjednik komisije koja je ujedno i zapisničar.

Dnevni red:

1. Pregled pristiglih prijava na ponovni Javni poziv za izbor recenzenata Kurikuluma Kantona Sarajevo
2. Obabir recenzenata dokumenata Kurikuluma Kantona Sarajevo
3. Obavještanje odabranih kandidata i onih koji ne zadovoljavaju uslove/kriterije
4. Tekuća pitanja

Zaključci:

Ad1)

Pregledom pristiglih prijava na e-mail adresi kurikulum@mon.ks.gov.ba konstatovano je da se na ponovni Javni poziv prijavilo ukupno 14 kandidata koji su poslali tražene reference i iskazali interesovanje.

Ad2)

Detaljnim pregledom zaprimljenih prijava konstatovano je da od 14 zaprimljenih prijava dva kandidata ne ispunjavaju uslove a da 12 kandidata ispunjavaju uslove (tabela 2. u prilogu). Komisija je dala i prijedlog naknade za rad recenzenata.

Komisija je konstatovala i da je jedna prijava stigla na protokol MOOKS u printanoj formi, ista je zaprimljena 13. 7. 2021. godine za recenziju Sporta/Tjelesnog odgoja od strane Farisa Rašidagića, ista nije uzeta u razmatranje jer su recenzenti za navedeni predmet imenovani nakon prvog javnog poziva.

A3)

Predsjednica je predstavila sadržaj teksta za informisanje odabranih kandidata (u prilogu Tekst) a članovi Komisije nisu imali primjedbi. Dogovoreno je da se kandidati odmah obavijeste kako bi na vrijeme ispoštovali sve zadate rokove.

A4)

Nije bilo prijedloga ni materijala za tačku Tekuća pitanja.

Treći sastanak Komisije je završen u 16:00 h.

Zapisničar Azra Nizić



Sarajevo 15. 7. 2021. godine